

rebus. Alius nec internórum intelligentiam nec rerum affluentiam accépit, sed tamen didicit artem, qua páscitur : ipsa ars ei in talénti acceptióne reputátur. Alius nihil horum assecútus est, sed tamen fortásse familiaritátis locum apud dívitem méruit, taléntum profecto familiaritátis accépit. Si ergo nihil ei pro indigéntibus loquitur, pro talénti retentióne damnátur. **R.** Amávit eum.

Lectio viij.

Habens ergo intellectum, curet omnino ne táceat : habens rerum affluentiam, vigilet ne a misericórdiæ largitáte torpéscat : habens artem qua régitur, magnópere stúdeat ut usum atque utilitátem illius cum próximo partiátur : habens loquéndi locum apud dívitem, damnatióne pro reténto talénto tímeat, si, cum valet, non apudeum pro paupéribus intercédit : tantum quippe ab unoquoque nostrum ventúrus iudex éxiget, quantum dedit. Ut ergo de talénti sui ratióne, redeunte Dómino, quisque securis sit, cum tremóre penset quotidie quid

accépit. Ecce namque jam iuxta est, ut ille qui pégre profectus est, rédeat : quasi quippe pégre ábiit, qui de hac terra, in qua natus est, longe discéssit; sed profecto révertitur, ut de taléntis ratióne ponat, quia si a bona actióne torpéscimus, de ipsis donis quæ cóntulit, nos dístrictius júdicat.

R. Sint lumbi.
Lectio ix.

Considerémus ergo quæ accépimus, atque in eórum erogatióne vigilémus. Nulla nos a spirituáli ópere terréna cura impédiat, ne, si in terra taléntum absconditur, talénti Dóminus ad iracúndiam provocétur. Piger étenim servus, cum jam culpas iudex exáminat, taléntum de terra levat : quia sunt plerique, qui tunc se a terrénis desidériis vel opéribus subtrahunt, quando jam per animadversiónem júdicis ad ætérnum supplicium trahúntur. Ante ergo de talénti nostri ponénda ratióne vigilémus, ut, cum jam iudex ad feriéndum imminet, lucrum nos quod fécimus excúset.

Te Deum laudámus.

Exorcismus

contra imminentem tempestatem fulgurum,
et grandinis.

PER signum ✠ crucis, de inimicis ✠ nostris, libera nos ✠ Deus noster. In nómine Patris, ✠ et Filii, et Spiritus sancti. Amen.

Dicitur Symbolum fidei, scilicet : Credo in Deum Patrem, etc.

Deinde Kyrie eléison. Christe eléison. Kyrie eléison.

Pater noster.

V. Adjutórium nostrum in nómine Dómini. **R.** Qui fecit coelum et terram.

V. Sit nomen Dómini benedictum. **R.** Ex hoc nunc, et usque in sæculum.

V. Exsúrgat Deus, et dissipéntur inimici ejus.

R. Et fúgiant qui odérunt eum a fácie ejus.

V. Exsúrge Christe, adjuva nos. **R.** Et libera nos propter nomen tuum.

V. Dómine, exáudi oratióne meam. **R.** Et clamor meus ad te véniat.

V. Dóminus vobiscum.

R. Et cum spíritu tuo.

Orémus.

Oratio.

Domine Jesu Christe, qui fecisti coelum et terram, mare, et ómnia quæ in eis sunt; quique flúmini Jordáni benedixisti, atque in eo baptizári voluisti, et tuas sanctíssimas manus, et bráchia sacratíssima in cruce extendisti, quibus áerem sanctificásti : obsecrámus imménsam pietátis, et bonitátis tuæ abundantiam, quátenus has nubes, quas ante me, et post me, et supra me, a dextris et a sinistris vídeo áerem perturbáre, dissólvere et annihiláre dignéris; ut alligáta potéstas dæmonum impie desaviéntium deficiat et turbétur ad laudem tui sanctíssimi nóminis, et potentíssimæ majestátis tuæ. Qui vivis et regnas cum Deo Patre.

R. Amen.

Postea conversus ad nubes, signet eas signo ✠ dicens : Circúdet te nubes Deus ✠ Pater. Cir-

cúmdet te Deus ✠ Filius. Circúmdet te Deus Spíritus ✠ sanctus. Déstruat te Deus ✠ Pater. Déstruat te Deus ✠ Filius. Déstruat te Deus Spíritus ✠ sanctus. Cómprimat te Deus ✠ Pater. Cómprimat te Deus ✠ Filius. Cómprimat te Deus Spíritus ✠ sanctus. Amen.

Obsecratio. Sanctus Matthæus, sanctus Marcus, sanctus Lucas, sanctus Joánes Evangelista, qui Christi Evangélium per quatuor mundi partes divulgáru[n]t, ipsi suis méritis et précibus, hanc tempestátem a término isto, et ab ómnibus Christianórum finibus, ab eódem Dómino nostro Jesu Christo obtineant effugári et depélli.

Exorcismus.

ET ego peccátor, et Christi sacérdos seu minister, licet indignus, auctoritate et virtúte ejúsdem Dei et Dómini nostri Jesu Christi summi Imperatóris, non mea poténtia innixus et confisus, vobis præcipio, immundíssimi spíritus, qui has nubes seu nébulas concitátis, in virtúte ejúsdem Dei et Dómini nostri Jesu Christi, per ✠ san-

ctíssimam ejus Incarnatió[n]em, per sanctam Nativitátem, per Baptísmum et Jejúnium ipsius, per ejus sanctíssimam Crucem ✠ et PassiÓ[n]em, per sanctam ResurrectiÓ[n]em, per admirábilem AscensiÓ[n]em, per tremendum Advéntum ejus et Judicium, per mérita intemerátæ sempérque Virginis Mariæ et sanctíssimi et per mérita ómnium Sanctórum, ut exeátis ab eis, et eas dispergátis in locis silvéstribus et incúltis : quátenus nocére non possint homínibus, animalibus, frúctibus, herbis, arbóribus, aut quibuscúmque rebus húmánis úsibus deputátis. Per eúndem Dóminum nostrum Jesum Christum, qui ventúrus est judicáre vivos et mórtuos, et sæculum per ignem. Amen. Ipse vobis imperat, dæmones, qui has nubes commovétis, de quo de nube lícida dictum est : Hic est Filius meus diléctus, in quo mihi bene complácuí. ✠ Ipse vobis imperat, qui sua sacratíssima cruce, et córporis sui sanctíssimi in ea extensiÓ[n]e áerem purgávit. ✠ Ipse vobis imperat,

qui per mortem suam vos, principem vestrum, mortémque devicit et ligávit, atque ætérnæ gehénnæ mancipávit ignibus. ✠ Ipse vobis imperat, qui inférno spoliáto surrêxit a mórtuis. ✠ Ipse vobis imperat, qui post quadraginta dies, nube susceptus virtúte sua ascéndit in cœlum. ✠ Ipse vobis imperat, qui ventúrus est judicáre vivos et mórtuos, et sæculum per ignem.

R. Amen.

Et postea ostendat crucem in aëra dicens : Ecce lignum sanctíssimæ crucis, fúgite partes advérsæ : vicit enim vos et mundum Dóminus noster Jesus Christus Filius Dei, Imperátor summus, leo de tribu Juda, radix David.

Postea aqua benedicta in modum crucis ✠ aspergat quatuor latera. Dicendæ sunt etiam Litanie ; si nondum quievit tempestas, Symbolum S. Athanasii : Quicumque vult. **Ant.** Salve Regina. **et Sub tuum præsidium.** **Canticum Benedicti omnia. cum V.** Glória Patri, et Filio. **in quo libet versu dicti Cantici.**

Deinde.

V. Benedicámus Patrem, et Filium, cum sancto Spíritu. **R.** Laudémus, et superexaltémus eum in sæcula.

V. Ora pro nobis, sancta Dei Génitrix. **R.** Ut digni efficiámur promissionibus Christi.

V. Exsúrge, Christe, ádjuva nos. **R.** Et libera nos propter nomen tuum.

V. Dómine exáudi orationem meam. **R.** Et clamor meus ad te véniat.

V. Dóminus vobiscum.

R. Et cum spíritu tuo.

Oratio.

OMnipotens sempitérne Deus, qui dedísti famulis tuis in confessione veræ fidei, ætérnæ Trinitátis glóriam agnoscere, et in poténtia majestátis adoráre unitátem : quæsumus ; ut ejúsdem fidei firmitáte, ab ómnibus semper muniámur advérsis.

Oratio.

PRótege, Dómine, famulos tuos subsidiis pacis, et beatæ Mariæ semper Virginis patrocinio confidéntes, a cunctis hóstibus et periculis redde secúros.

Oratio.

A Domo tua, quæsumus, Dómine, spirituales nequitiæ repellantur, et aëreârûm discédât malignitas tempestátum.

Oratio.

A D te nos, Dómine, clamántes exáudi, et aëris serenitátem nobis tribue supplicántibus : ut qui juste pro peccátis nostris affligimur, misericórdia tua præveniénte, cleméntiam sentiámus.

Oratio.

L Argiri et conserváre fructus terræ dignáre, Dómine Deus noster : ut temporálibus gaudeámus auxiliis, et proficiámus

spirituálibus incrementis. Per Christum Dóminum nostrum.

Potest dici et Oratio illius Sancti, in cuius honore constructa est ecclesia, et aliorum Sanctorum, in quibus plus de eorum adjutorio confidimus propter specialem devotionem nostram. Possunt dici et aliæ etiam devotæ orationes cum compunctione et cordis contritione, implorando semper misericordiam Dei. Et si adhuc tempus tempestuosum perseveraverit, poterunt supradicta pluries repeti.

**Index alphabeticus.**

Clementis, Mart. duplex. 11. Sept.	6*
Cornelii, Papæ et Mart. duplex. 16. Sept.	7*
Eligii, Conf. et Ep. Noviomensis, duplex. 1. Dec.	9*
Joannæ Franciscæ Fremiot de Chantal, Viduæ, duplex. 9. Septembris.	4*
Josephi Calasancii a Matre Dei, Conf. duplex. 11. Septembris.	6*
Margaritæ Mariæ Alacoque, Virg. duplex. 17. Oct.	9*
Michaelis Archang. Dedicat. dupl. 1. class. cum Oçtava. 29. Septembris.	7*
— — Oçtava, duplex. 6. Oct.	7*
Rosæ a S. Maria Virg. Limanæ, ac princip. Patr. totius Amer., dupl. 1. cl. cum Oçt. 30. Aug.	1*
— — Oçtava, dupl. 6. Sept.	1*
Unius Martyris Cæsaraugustani, duplex. 31. Oct.	9*
Ursulæ et Soc. Virg. Mart. duplex. 21. Oct.	9*

Lectiones iij. Nocturni in Evang. *Nolite arbitrari*, pro uno Mart. non Pont. inveniuntur p. 6* partis Æstivæ hujus Proprii.

Exorcismus contra iminentem tempestatem . . . 13*



Concordat cum originali. — IMPRIMATUR.
Tornaci, die 5 Februarii 1901.
VICT. DUREZ, Vic. Gen.